



# იუსტიციის სამინისტრო

## უფლებების განმარტება

გადაცემა დაკავებულ პირს

ტერორისტული აქტები (სისხლის სამართლის საპროცესო კოდექსის 63-1, 706-73, 11°, 706-88 და 706-88-1 მუხლები)

**ქვემოთ წარმოდგენილი ინფორმაცია უნდა გადმოგეცეთ თქვენთვის გასაგებ ენაზე.**

**თქვენ შეგიძლიათ შეინახოთ ეს დოკუმენტი დაკავების მთელი პერიოდის მანძილზე.**

თქვენ გაცნობს რომ დაკავებული ხართ, რადგან არსებობს თქვენს წინააღმდეგ ერთი ან რამდენიმე დასაშვები მიზეზი ვივარაუდოთ, რომ თქვენ ჩაიდინეთ ან გქონდათ მცდელობა ჩაგედინათ განსაკუთრებით მძიმე დანაშაული, როგორცაა ტერორისტული აქტი.

თქვენ დაგკითხავენ ამ სამართალდარღვევასთან დაკავშირებით დაკავების პერიოდში, რომელიც შესაძლებელია გაგრძელდეს 24 საათი.

თქვენ გაქვთ უფლება იცოდეთ იმ დანაშაულის კვალიფიკაცია და ჩადენის სავარაუდო ადგილი და თარიღი, რომლისთვისაც თქვენ ხართ ეჭვმიტანილი და ის მოტივები, რაც ამართლებს თქვენს დაკავებას.

ამ ვადის გასვლის შემდეგ, რესპუბლიკის პროკურორს ან გამომძიებელ-მოსამართლეს შეუძლია მიიღოს გადაწყვეტილება დაკავების ვადის დამატებითი 24 საათით გაგრძელება. მაგისტრატ მოსამართლეს შეუძლია მოითხოვოს თქვენი ნახვა, სანამ გადაწყვეტს თქვენი დაკავების გახანგრძლივებას.

გამონაკლის შემთხვევაში და თუ გამოძიება და საქმის მოკვლევა მოითხოვს, ორჯერ 24 საათიანი დამატებითი დროის გახანგრძლივება შესაძლებელია გადაწყდეს ან თავისუფლებისა და დაკავების მოსამართლის ან მოსამართლე-გამომძიებლის მიერ.

მიუხედავად ამისა, პირველი 48 საათის გასვლის შემდეგ, თუ დარჩენილი ჩასატარებელი საგამომძიებო ქმედებების სავარაუდო ვადა გამართლებულია, ამ შემთხვევაში თავისუფლებისა და დაკავების მოსამართლეს, რესპუბლიკის პროკურორის ან მოსამართლე-გამომძიებლის შუამდგომლობის საფუძველზე, შეეძლება გადაწყვიტოს დაკავების გახანგრძლივება ერთხელ, 48 საათის ვადით.

თუ გამოძიების პირველი ეტაპზე ან თვით თქვენი დაკითხვიდან გამოიკვეთა, რომ არსებობს სერიოზული საფრთხე გარდაუვალი ტერორისტული აქტისა საფრანგეთში თუ სხვა ქვეყანაში, რის გამოც საერთაშორისო თანამშრომლობა იქნება სავალდებულო, თავისუფლებისა და დაკავების მოსამართლეს შეუძლია მიიღოს გადაწყვეტილება დაკავების დამატებით 24 საათით გაგრძელებისა, რომელიც განახლებადი იქნება კიდევ ერთხელ.

დაკავების ვადის ამოწურვის შემდეგ, რესპუბლიკის პროკურორის ან გამომძიებელ-მოსამართლის გადაწყვეტილებით, თქვენ ან წარსდგებით მაგისტრატ მოსამართლის წინაშე ან გათავისუფლებული იქნებით. პირველ შემთხვევაში, თქვენ წარსდგებით მაგისტრატი მოსამართლის წინაშე დაკავების დასრულების დღეს. თუ არსებობს სპეციალურად მოწყობილი საკანი იურისდიქციის დაწესებულებაში და თქვენი დაკავება არ გაგრძელდებულა 72 საათზე მეტხანს, შესაძლებელია რომ წარდგეთ მოსამართლის წინაშე მომდევნო დღეს, თქვენი დაკავების ვადის გასვლამდე არა უმეტეს 20 საათისა. თუ თქვენი დაკავება გაგრძელდა 72 საათზე მეტხანს, თქვენი წარდგენა მაგისტრატი მოსამართლის წინაშე მოხდება დაკავების დასრულების დღეს.

# გარდა ამისა, თქვენ გაქვთ უფლება :

## გააფრთხილებინოთ გარკვეული პირები

თქვენ შეგიძლიათ მოითხოვოთ, გააფრთხილონ ტელეფონით და აცნობონ თქვენი დაკავების შესახებ, ის პირი, ვისთან ერთადაც ცხოვრობთ, ერთერთი მშობელი, ან ერთერთი ძმა ან და.

თქვენ, აგრეთვე, შეგიძლიათ მოითხოვოთ, რომ გააფრთხილონ თქვენი დამსაქმებელი.

თუ თქვენ უცხო ქვეყნის მოქალაქე ხართ, თქვენ, აგრეთვე, შეგიძლიათ მოითხოვოთ, გააფრთხილონ თქვენი ქვეყნის საკონსულოს სამსახური.

გარდა გარდაუვალი მდგომარეობისა, თქვენი მოთხოვნიდან მაქსიმუმ 3 საათში შესრულდება თქვენი მოთხოვნები.

თუ თქვენ ხართ სამართლებრივი დაცვის ქვეშ, თქვენს მეურვეს, კურატორს ან წარმომადგენელს აცნობებენ მიღებული ზომების შესახებ.

მუხედავად ყველაფრისა, რესპუბლიკის პროკურორს ან მოსამართლე-გამომძიებელს შეუძლია მოითხოვოს ამ პროცედურების გადავადება ან არ ჩატარება, თუ ეს წარმოადგენს აუცილებლობას მტკიცებულებების შეგროვებისთვის ან დაცვისთვის ან, თუ საფრთხე ემუქრება ვინმეს ჯანმრთელობას, თავისუფლებასა და სიცოცხლეს.

თუ თქვენი დაკავება გადააჭარბებს 48 საათს, თქვენი ახლობლების და დამსაქმებლის გაფრთხილების გადავადება შენარჩუნებული იქნება იმავე მიზეზების გამო თავისუფლებისა და დაკავების მოსამართლის მიერ (ან მოსამართლე-გამომძიებლის მიერ).

თუ თქვენი მოთხოვნა- ახლობლისთვის თქვენი დაკავების შესახებ შეტყობინება არ განხორციელდა, და სავარაუდოდ თქვენი დაკავება შესაძლებელია გაგრძელდეს და გადააჭარბოს 96 საათს, ამ შემთხვევაში, თქვენ შეგიძლიათ ხელშეორედ გააკეთოთ მოთხოვნა დაკავების 96-ე საათიდან.

## კომუნიკაცია დაამყაროთ გარკვეულ პირთან

თქვენ შეგიძლიათ მოითხოვოთ კომუნიკაციის დამყარება წერილობით, ტელეფონით გარკვეულ პირებთან ან გასაუბრების დროს, იმ პირთან რომელსაც სავარაუდოდ აცნობეს თქვენი დაკავების შესახებ.

პოლიციელ-გამომძიებელს შეუძლია უარი გითხრათ თქვენს თხოვნაზე, იმ შემთხვევაში, თუ თქვენი თხოვნა დაკავების მოტივებთან არ არის შეთავსებადი ან ახალი დანაშაულის ჩადენის რისკი შეიძლება წარმოიქმნას. ის განსაზღვრავს თქვენი კომუნიკაციის მომენტს, ხანგრძლივობასა და პირობებს. კომუნიკაცია არ უნდა აჭარბებდეს 30 წუთს და ან მისი კონტროლის ქვეშ ჩატარდება ან იმ პირისა, ვისაც იგი აირჩევს.

თუ თქვენი დაკავება გადააჭარბებს 48 საათს, პოლიციელ-გამომძიებელს აღარ ექნება საშუალება უარი გითხრათ თქვენი ქვეყნის საკონსულო სამსახურთან კომუნიკაციაზე.

## მოითხოვოთ ექიმის ვიზიტი

თქვენ შეგიძლიათ მოითხოვოთ ექიმის ვიზიტი დაკავებისთანავე. დაკავების გახანგრძლივების შემთხვევაში და ყოველ ჯერზე დაკავების გახანგრძლივებისას, თქვენ შეგიძლიათ მოითხოვოთ ხელახალი სამედიცინო შემოწმება და თქვენ გაგაცნობენ თქვენს უფლებას, რომ გაქვთ უფლება მოითხოვოთ ექიმის ვიზიტი.

თუ თქვენ სამართლებრივი დაცვის ქვეშ ხართ, თქვენს მეურვეს, კურატორს ან წარმომადგენელს შეუძლია მოითხოვოს თქვენი სამედიცინო შემოწმება.

## აღიაროთ, უპასუხოთ კითხვებს ან გამოიყენოთ დუმილის უფლება

იმის შემდეგ, რაც თქვენ დაადასტურეთ თქვენი პირადობა, თქვენ გაქვთ უფლება თქვენი დაკითხვისას

- აღიარებითი განცხადებები გააკეთოთ,
- უპასუხოთ თქვენთვის დასმულ კითხვებს,
- ან შეინარჩუნოთ დუმილი.

## იყოლიოთ ადვოკატი

### ადვოკატის არჩევა

დაკავებისთანავე ან დაკავების ხანგრძლივობის მანძილზე ან დაკავების გაგრძელების შემთხვევაში, გაგრძელებისთანავე, თქვენ შეგიძლიათ მოითხოვოთ თქვენი რჩეული ადვოკატის დანიშვნა, თუ თქვენ არ გყავთ რჩეული ადვოკატი ან შეუძლებელია თქვენს ადვოკატთან დაკავშირება, თქვენ შეგიძლიათ მოითხოვოთ სახაზინო ადვოკატის დანიშვნა.

თქვენთვის ადვოკატის აყვანა შეუძლია იმ პირსაც, რომელიც გააფრთხილებინეთ თქვენი დაკავების შესახებ. ამ შემთხვევაში თქვენ უნდა დაადასტუროთ ადვოკატის დანიშვნა.

თუ თქვენ სამართლებრივი დაცვის ქვეშ ხართ, თქვენს მეურვეს, კურატორს ან წარმომადგენელს შეუძლია თქვენთვის ადვოკატის აყვანა, ან მას შეუძლია მოთხოვოს ადვოკატთა ასოციაციის ხელმძღვანელს თქვენთვის ადვოკატის დანიშვნა.

### ადვოკატის დახმარება

ადვოკატს შეეძლება თქვენთან გასაუბრება 30 წუთის მანძილზე, იმ პირობებში, რომელიც გასაუბრების კონფიდენციალობის დაცვის გარანტიას იძლევა. დაკავების გახანგრძლივების შემთხვევაში, თქვენ შეგიძლიათ კვლავ მოითხოვოთ ადვოკატთან გასაუბრება.

თუ თქვენ მოითხოვთ, მას შეუძლია დაესწროს დაკითხვას, დაპირისპირების თუ დანაშაულის სცენის აღდგენის საგამომიებო მოქმედებებს, სადაც თქვენც მონაწილეობთ.

### ადვოკატის საქმეში ჩართვის ვადა

თუ გამოძიება მოითხოვს თქვენს გადაუდებელ დაკითხვას, რესპუბლიკის პროკურორს ან მოსამართლე-გამომძიებელს მოტივირებული წერილობითი გადაწყვეტილებით შეუძლია ნებართვა გასცეს, თქვენი დაკითხვის ისე რომ არ დაუცადონ 2 საათის ვადის გასვლას რომელიც საშუალებას მისცემდა ადვოკატს მოსულიყო თქვენი დაკითხვის ადგილზე.

თქვენი ადვოკატის საქმეში ჩარევა პროკურორს, მოსამართლე-გამომძიებელსა თუ თავისუფლებისა და დაკავების მოსამართლეს, შეუძლიათ გამონაკლისის სახით, სავალდებულო მიზეზების გამო, გადაავადონ მაქსიმუმ 72 საათის მანძილზე.

### თარჯიმნის დახმარება

თუ თქვენ არ საუბრობთ ფრანგულად და არ გესმით ფრანგული ენა, თქვენ გაქვთ უფლება დაიხმაროთ, უფასოდ, თარჯიმანი დაკითხვის პერიოდში და ადვოკატთან გასაუბრებისას.

### თქვენი მოსაზრების გაზიარება, რომლითაც ეცდებით დაკავების შეწყვეტას.

დაკავების სავარაუდო გახანგრძლივების შემთხვევაში, თქვენ შეგიძლიათ თქვენი მოსაზრება გაუზიაროთ რესპუბლიკის პროკურორს ან მოსამართლე-გამომძიებელს, რომლითაც ეცდებით დაკავების ზომის შეწყვეტას.

### თქვენს საქმეში არსებულ ზოგიერთ მასალაზე წვდომა

თქვენი ან თქვენი ადვოკატის თხოვნით, თქვენ შეგიძლიათ წაიკითხოთ, დაკავების სავარაუდო გახანგრძლივებამდე:

- დაკავების ოქმი;
- იმ ექიმის მიერ შედგენილი სამედიცინო ცნობები, რომელმაც გაგსინჯათ;
- დაკითხვის ოქმი ან ოქმები.

### მოსაზრების გაზიარება რესპუბლიკის პროკურორისთვის

დაკავების დასრულების შემდეგ, ერთი წლის განმავლობაში, თქვენ შეგიძლიათ თხოვოთ რესპუბლიკის პროკურორს წერილობით, სამახსოვრო ბარათის სანაცვლოდ ან სასამართლოს მდივანს, სამახსოვრო ბარათის სანაცვლოდ, წაიკითხოთ თქვენი საგამომიებო პროცედურების დოსიე, რათა თქვენი მოსაზრება გამოთქვათ.